



Ua Tuuina mai e le Pulefale se Faasilasilaga mo le 90-Aso

-
- ❖ Faitau pe afai o oe o se tagata e nofo i le setete o Uasigitone. Atonu e ese le tulafono i isi setete.
 - ❖ O Tulafono mo Faateesega o loo suia pea. Faitau suiga fou e uiga i le tulafono i le uepisaiti nei WashingtonLawHelp.org/resource/eviction
 - ❖ E te maua le tele o faamatalaga i luga o le saiti nei pe a e asi atu ile WashingtonLawHelp.org.
-

Ou te nofo i totonu o le setete o Uasigitone, e tatau ona ou faitauina lenei mea?

Ioe, afai o e nofo i se faletotogi ma ua e mauaina se **Faasilasilaga mo le 90-Aso mo le Faate'a Ese** o lou nofototogi (poo le Faasilasilaga mo le 90-Aso ia Tuumuli ese).

Leai, afai o oe e onaina le fale feavea'i o loo e nofo ai, ma e te totogi na o le fanua nofo. Faitau [O la'u Pulefale O loo Taufamata'u Mai ia Tuumuli Ese mai le Paka mo Fale Falefaatu/Feavea'i](#) ma ia talanoa i se loia ia se taimi vave. O faamatalaga mo fesoota'iga o loo i lalo.

O le a se mea e te mauaina mai le faitauina o lenei mea?

- ✓ Uiga o lenei faasilasilaga
- ✓ Le mea e fai pe a e maua le faaliga mai lau pulefale
- ✓ Le mea e te maua ai se fesoasoani faaletulafono

O le a le Faasilasilaga mo le 90-Aso?

O se lapataiga mai lau pulefale. O taimi nei e mafai ai ona tuuina atu e lau pulefale se Faasilasilaga mo le 90-Aso:

- **Ua mana’o lau pulefale e toe nofo i le nofoaga totogi (pe i ai se tagata o lona aiga e fia nofo i le nofoaga totogi).** Afai ua faamutaina e le pulefale lau nofoaga totogi ona o lenei ituaiga faasilasilaga, peita’i e le’i toe nofo i le nofoaga totogi, e ona i ai se tetee e mafai ona e faia mo le faate’aeseina sesē o oe.
- **Ua mana’o le pulefale e faatau le nofoaga totogi.** Afai ua faamutaina e le pulefale lau nofoaga totogi ona o lenei ituaiga faasilasilaga, peita’i e le’i faatauina le fale mo le aiga-e-tasi, e ona i ai se tetee e mafai ona e faia mo le faate’aeseina sesē o oe. (E le faatatau lenei mea i fonāfale mautotogi.)

E tatau ona tuuina atu le faasilasilaga mo faateesega i se auala faapitoa?

Ioe. O le pulefale (poo se tagata faigaluega poo se isi tagata matua) e mafai ona “**tuuina atu sa’o**” ia oe i lou lima i lou fale le faasilasilaga. E mafai fo’i e le pulefale ona tuuina atu i se isi tagata matua poo se talavou o loo nofo faatasi ma oe. E mafai fo’i e le pulefale ona faapipii atu i lou faitoto’a, ona manaomia lea ona latou meli atu se kopi ia oe.

❖ O faasilasilaga e le manaomia ona faamaoniaina.

E mafai e le pulefale ona faate’a ese a’u e ala i le tuuina mai o lenei faasilasilaga?

Leai. O le tulafono a Uasigitone e faasa ona faate’a ese tagata nofofale e aunoa ma le mulimulita’i i auala faaletulafono mo faateesega. O le pulefale e ao ina tuuina atu ia oe faasilasilaga talafeagai mo “**faateesega**” ae le’i amataina se moliga mo faateesega. O le Faasilasilaga mo le 90-Aso o se ituaiga faasilasilaga.

Afai o loo e nofo pea i le nofoaga totogi i tua atu o le 90-Aso, o le pulefale e ao ina mafai ona amataina se moliga mo faateesega.

O le pulefale e tatau ona tuuina atu pepa faamasinoga ia oe ma ia manumalo i le moliga. I le faamasinoga o le faamasino e tatau ona sainsi se faatonuga e faatonu atu

ai leoleo ia faate'a ese oe. Na o leoleo e faatagaina i le tulafono ona faate'a ese oe ma sui loka o le fale totogi.

Ua ou maua se Faasilasilaga mo 90-Aso. Ua tusia mai e le pulefale o le a faatauina le fale totogi. Ae ua ou vaai atu ua toe faasalalau le nofoaga totogi i luga o le uepisaiti! O le pulefale o le a su'e se isi tagata ia nofo i le fale totogi pe a ou alu ese.

E ao ina mafai ona e tetee i le moliaga o le faateesega. **Talanoa i se loia i se taimi vave.** E manaomia le mafai ona faamaonia lau tetee i le faamasinoga. O lona uiga o le tuuina atu o faamaoniga e leai se faamoemoega a le pulefale e faatau le fale totogi. O lona uiga e mafai fo'i ona i ai tagata molimau ma tuuina atu molimau i le faamasinoga. **O se loia e mafai ona fesoasoani atu ia oe e faatatau i nei mea.** Vaai ifo faamatalaga o fesoota'iga o i lalo.

❖ Faitau [Sauniga mo se Faamasinoga](#) ia e iloa le mea e tatau ona e faia ia tu tetee atu le faamasinoga mo le faateesega.

O le tulaga e tutusa o i luga, ae sa ou tuumuli ese ina ua maua le Faasilasilaga.

Afai e le'i faia se faasalalauga a le pulefale mo le faatauina o le fale totogi i se tau e talafeagai ae le'i pasi le 30 aso mai le aso e te tumuli ese ai, e ona i ai se tetee e mafai ona e faia mo le faate'aeseina sesē o oe. Talanoa ma se loia. Vaai ifo faamatalaga o fesoota'iga o i lalo.

E ao ina iai se tetee e mafai ona e faia mo le faate'aeseina sesē o oe pe afai, i totonu o le 90 aso talu ona e tumuli ese poo le aso sa faasalalau ai e faatauina ai le fale, le aso e sili atu mai aso nei e lua, o le pulefale sa toe aveeseina le fale totogi mai le maketi faatau, toe tuu o se isi tagata e nofo i le fale totogi, pe sa faia se mea e faamaonia ai e leai se faamoemoega e faatau le fale totogi.

Ua ou maua se Faasilasilaga mo 90-Aso. Sa fai mai o le pulefale ua mana’o e toe nofo i le fale totogi. Sa ou tumuli ese i le lua vaiaso mai le faasilasilaga. Ua pasi ni nai masina. Sa ou toe fo’i atu i le nofoaga i se taimi lata mai. Ua ou maitauina e leai se isi o loo nofo i le fale totogi.

Afai o le pulefale poo se tagata o le aiga e le o nofo i totonu o le fale totogi mo aso e 60 i totonu o le 90 aso mai le faasilasilaga e te tumuli ese, e ao ina iai se tetee e mafai ona e faia mo le faate’aeseina sesē o oe. Talanoa i se loia.

Su’e se Fesoasoani Faaletulafono

- Feagai ma se Faateesega? Valaau le 1-855-657-8387.
- Apalai i luga o le uepisaiti [CLEAR*Online](https://nwjustice.org/apply-online) - nwjustice.org/apply-online
- Feagai ma se Fāoga o lau Fale? Valaau le 1-800-606-4819.
- Feagai ma se mataupu faaletulafono i totonu o le Itumalo King (ese atu mai se Faateesega poo se Fāoga Fale)? Valaau le 2-1-1 (poo le numera 1-877-211-9274) aso o le vaiaso 8:00 am - 6:00 pm. E mafai ona avatu se faasinomaga mo se aunaga mo fesoasoani faaletulafono.
- Feagai ma se mataupu faaletulafono i fafo atu ma le Itulamalo King (ese atu mai se Faateesega poo se Fāoga Fale)? Valaau le CLEAR Hotline ile 1-888-201-1014 aso o le vaiaso i le va o taimi nei 9:15 am - 12:15 pm pe apalai i luga o le uepisaiti nwjustice.org/apply-online.
- Tagata Matutua (60 tausaga pe sili atu) o feagai ma mataupu faaletulafono i fafo o le Itumalo King e mafai fo’i ona valaau le CLEAR*Sr ile 1-888-387-7111.
- Tagata tutuli pe faigata ona faalogo, faigata ona tautala e mafai ona valaau mai i se isi o numera nei ma faaogā masini faasalalau ua e filifili iai.

CLEAR ma le 2-1-1 o le tuuina atu faaliliu upu.

O nei lomiga o avatu ai faamatalaga mo le lautele e faatatau i au tiute ma aiā. E le faaagaaga e aveva ma sui mo fautuaga faaletulafono.

© 2021 Northwest Justice Project — 1-888-201-1014.

(Faatagaga mo le kopiina ma le tufatufaina ua avatu lea ile Alliance for Equal Justice ma tagata e leai se naunau faapisinisi.)